

Francisco de los Angeles
R. P. Fr. FRANCISCI

DE S. IVLIANO

ORDINIS DISCALCEATORVM

Sanctissimæ Trinitatis Redemptionis Captiuorum:

OLIM IN SALMANTICENSI, ET COMPLEVTENSI

*Academiis Theologia Professoris ; & modò iterum Prouincia
Spiritus Sancti dicti Ordinis Gubernatoris.*

TRIBUNAL REGVLARE

CHARITATIS, ET IUSTITIÆ.

NUNC PRIMUM PRODIT.



LVGDVNI

Sumptibus IOANNIS COVRONNEAV,
Bibliopolæ Bayonensis.

M. DC. LVIII.

Cum Approbationibus.



AD PATRES REGVLARIS PATRIÆ, ET SVPERIORES sacræ nostræ Religionis.

N I H I L clariùs (amantissimi Patres) nihil notiùs, quàm quod mundus, à suo origine, & incunabulis, per Legislatores, & Leges fuerit gubernatus, quoniam prima est Lex Diuina, scilicet ipse Deus, quatenus iudicat quid faciendum sit, quidve omittendum, ex qua, vt ex fonte veluti riuuli, aliæ leges dimanarunt, quippe est prima regula, & mensura, ad quam tanquam ad finem omnia ordinantur, & diriguntur.

Secundò hanc Diuinam legem sequuta est Lex naturalis, & propriè loquendo illa dicitur, quæ rationali naturæ insita est, quatenus discernit honestum à turpi, consistitque in quadam Cognitione naturali illarum rerum, quæ conueniunt, vel disconueniunt naturæ, de qua dixit Diuus Thomas, 12. *quæst.* 92. *art.* 1. quod est quædam participatio legis æternæ. Vnde quando Deus creauit naturam rationalem, voluit ipsam, per Legislatores, & Leges regi, consequenterque imposuit illi legem, de vitandis his, quæ intrinsecè sunt inhonesta & disconuenientia rationali naturæ: ad quod indicit ei lumen rationis, & hoc quatenus representat ea, quæ à Deo sunt prohibita, habet propriè rationem legis naturalis, vt dixit Augustinus, 2. *Confessio. cap.* 4. *Lex tua* (inquit) *scripta est, in cordibus nostris.*

Teriò subsequuta est Lex positina, & est illa, quæ à Superioribus accidit. liter ponitur, estque duplex, vna Diuina, & altera Humana. Lex Diuina positina est, qua Deus homines regit, & gubernat, quatenus corpus quo Idam politicum constituunt, vnde præcepta veteris legis de ritu sacrificiorum, & ordine iudiciali, leges positinæ Diuinæ dicebantur. Lex autem humana positina est illa, quæ ab hominibus proximè, & immediatè ponitur,



CAPVT PRIMVM,

De aliquibus Aduertentiis, quæ ante Iudicium, præcedere debent, in Tribunali Regulari.

ADVERTENTIA I.

De prudenti attentione, Superioris, circa subditos, quibuscum debet, frequenter, communicare, ne erret in iudicio.

ADVERTANT igitur Superiores, id quod, de prudentia, notauit Aristoteles. 3. Politic. capite tertio, in medium.

Prudentia (inquit) propria virtus est presidentis: Nam cetera quidem virtutes, videntur communes tam eorum, qui præsumunt, quam eorum, qui subsunt: At prudentia, non est eius, qui subiit. Hæc Philosophus. Et licet Prudentia, dirigat virtutes, non solum morales, sed etiam supernaturales, vt docet. D. Thomas 2. 2. q. 47. art. 14. His pro nunc omissis, & de moralibus solum agentes: Ad prudentiam Superioris spectat, quomodo credenda, à non credendis discernat, in commercio humano regulari, quo incentiuo, ad credendum dictum fratris moueatur, quid in actu credendi obseruet, quando, & quomodo, fidem exterius, debeat propalare, quando sperare debeat, & de zelo fratris, atque de eius charitate, secundum Deum erga proximum, quando confidere,

§. I.

Prima classis Subditorum.

IN triplici classis, debent Subditi, in prudenti lance Superioris librari: In prima versantur desides, timidi, & pusillanimes, qui non audent denunciare, crimina suorum fratrum, cuiuscunque conditionis sint, contra quos loquitur Bernardus, *sermone de S. Ioanne Baptista*, dum sic sententia illa vulgari, sed corde retinenda, proclamat. *Nemo fratres, vitia palpet, peccata distinulet, nemo dicat, nunquid custos fratris mei sum ego? nemo aq. unanimiter ferat, cum viderit, ordinem deperire, minui disciplinam: est enim consentire sileve, cum arguere possis, & scimus quia similis poena, facientibus manet, & consentientibus.* Hæc Bernardus.

§. II.

Secunda classis.

IN secunda classis, locantur alij, ex aduerso oppositi, qui vel deprauata inclinatione, aut passione ducti, vel zelo nimio, & indiscreto formati, (quod frequentius accidit) de omnibus tentant, Superiorem, certiore facere, siue crimina infament subditos, siue non; hi certè sunt inquieti,